

Fundacion Rancho a firma entendimento cu gobernador di La Guajira riba diferente tereno

ORANJESTAD(AAN)-- Fundacion Rancho a tene un conferencia di pensa ayer relaciona cu biahe cu a wordo haci pa La Guajira di parti e president Clifford Rosa y Ryan Oduber sostenedor voluntario representando Biblioteca Nacional. E conferencia tabata den presencia di miembronan di directiva di fundacion Rancho.

Sr. Rosa a bisa cu e biahe tabata den contexto di trabao di intercambio cultural com-

ercial cu la Guajira y for di 2016 a haya documento di Departamento di Cultura pa como fundacion sigui traha riba intercambio cultural comercial cu la Guajira.

Den e biahe aki como fundacion a yega na entendimento cu actual gobernador di La Guajira pa firma un entendimento cu ta duna oportunidad riba diferente area; cultura, educacion, turismo, agricultura, cria y pesca pa trece esaki den contexto mas



amplio.

El a splica cu Aruba y Colombia tin historia di hermandad..."La Guajira ta produci y si nos ta na tempo nos por ta e prome pais pa importa loke ta wordo cosecha di agricultura di La Guajira.. Fundacion Rancho ta traha como fundacion pa asina por tin propio transportacion pa por busca e producto y trece Aruba. Asina tambe yuda

eleva agricultura local. Fundacion Rancho ta para tras di Santa Rosa y ta sostene nan. Falta di experticio ta pone cu hopi agricultor ta keda pega y for di e instancia "Cena" na La Guajira, cu ta prepara ingenieronan den agricultura cria y pesca, lo por haya hopi yudanza", el a splica.

Fundacion Rancho ta celebra na april 7 aña y deseo ta pa trece e prome lote na April di fruta y berdura pa

un mini mercado den april of despues... Otro siman tin un delegacion chikito lidera pa e gobernador di La Guajira y diferente instancia cu ta bin Aruba y lo trece mas informacion y siguranza.. Ta mas bien un bishita di hermandad, di dos pueblo cu ta cera hunto pa asina logra ehecuta un area comercial, cultural y estrecha lazonan entre e dos pueblonan aki, Sr. Rosa a duna di conoce.